


二
程
語
錄
一



二
理
學
集
一



錄語程二

(一)

輯編嘉朱

原序

道之在天下。如水之在地中。然而有晦與絕續者。非道之有晦與絕也。語道者身未嘗有之。而知不足以見。徒以縣想妄意而然。此如生而眇者不識日。而強言日。其無當於日也審矣。乃行天者則不因之而有加損。故曰道未嘗有晦與絕。古今道統歸於尼山。論語學庸之書。具載夫子語。然皆非夫子自筆之。其門人相與記其所聞。以傳於世。其後得其傳者。獨有孟氏七篇。孟氏既沒。漢唐諸儒爭著書言道。而道始不明於天下。尋以微滅。至宋二程子出。然後復舉千數百年來不傳之蘊。而昭揭之。蓋至於今不泯。季通有言。天生伏羲堯舜文王後。不生孔子亦不得。後又不生孟子亦不得。二千年後。又不生二程亦不得。朱子深取其言。然則二程之書。卽伏羲堯舜文王孔孟之道。伏羲堯舜文王孔孟之道。一發於二程之書。若文集若易傳若經說。皆先生自筆之。若語錄則其門人端伯與叔定夫之徒所記。而朱子編輯之者也。朱子之言曰。而今假令親見聖人說話。盡傳得聖人之言。不差一字。若不得聖人之心。依舊差了。何況猶不得其言。若能得聖人之心。則雖言語各別。不害其爲同。揚子雲法言。王仲淹中說。皆模倣論語。言愈似而去道愈遠。直至程子爲得聖人之心。又曰。程先生所以有功於後學。最是敬之一字有力。可謂發是書之奧約而盡矣。今篇目次第悉依朱子。而稍加刪訂。凡遺書十五卷。外書二卷。附錄一卷。云。康熙四十八年己

二程語錄 原序

丑季春儀封後學張伯行書於榕城之正誼堂。

二

葉序

古之聖賢。其爲學也。蓋與世共焉者也。故其道有可以淑身。而不可以及物。聖人不貴焉。其立言持論。有出於一時之意見。而其流且滋弊。聖人不言焉。凡聖人之所貴而言者。皆爲之於已。而可公之於人。愚人聞之而不驚。賢智聞之而不敢鄙夷。以爲如是而後。可以無弊而長存也。古今聖者。無過於夫子。夫子之聖。大較具於論語二十篇。其言皆不外日用彝倫。心身感應之際。夫子固謂如是。足以教天下萬世之爲學者矣。而猶恐世之不信也。故自揭其指曰。下學而上達。又曰。吾道一以貫之。一貫云者。明其所學所達。同條而共貫也。曾子知之而發以忠恕。子貢不知。故曰。夫子之言性與天道。不可得而聞也。夫疑性道之不得聞。此子貢之學。所以不及曾子也。而世乃以爲子貢既聞而有是言。是猶存乎淺深之見矣。夫子之道。至孟子而絕。非道絕也。自孟子後。爛然以學術自任者。其言皆放僻支離。失洙泗之典刑。蓋道未絕而學絕矣。夫周程張朱者。續孔孟之學者也。周子之言曰。誠曰無欲。曰中正仁義。張子曰。禮。朱子曰。居敬窮理。而朱子之居敬窮理。實本於程子。吾觀程子之言。如定性書。好學論。本天本心。諸說。皆至爲深粹。其揭敬之一字。則秦漢以來。無人談及。尤爲得千聖傳心之要訣。而格物之爲窮理。該精蘊。兼本末。固亦與下學上達之義。有相證者。夫自孔孟而後。儒者之學。爲之於已。而可公之於人。立言持論。可以無弊而長存。

僧未有及程子者也。終宋世學者尊程子無二說。惟金谿陸氏見有不合。而近世之爲陸氏學者遂以居敬爲拘。格物爲支離。而別爲瀟灑簡捷之方。世靡然趨之。蓋至今日而不勝其流弊。有志之士始復厭之。思由朱子而溯程子矣。朱子遺書頃已盡梓。考功徐君復梓周程張氏於署中。而程氏書最多。有遺書。有外書。有文集。有經解。共若干卷。徐君請余敘。余惟世之學者雖千蹊萬徑。大概不出於虛實兩端。實之極則將有繩束拘攣之苦。而其勢且出於虛。虛之極則將有恣睢決裂之病。而其勢復返於實。厭行地者思憑虛御風。御風而不得。則又思行地。物必有趨而情必有至。漢人以訓詁爲學。字櫛句比。辨析萬端。經學實而晉人欲矯之以虛。故清談盛也。宋人以窮理爲學。尺尺寸寸。跬步不失。道學實而明人欲矯之以虛。故異論熾也。宋之實遠過於漢。而明之虛亦或甚於晉。何也。晉人不敢伸莊老於孔孟之上。而明人乃欲抑洙泗於竺乾之下也。要以下學上達。忠恕一貫。斯文功令。與天無極。其孰能細諸不居敬而欲進德。不窮理而欲盡性至命。猶之不行地而御風。難以至矣。救今日之虛。以還孔門之實。烏能廢程子哉。世之論程子者。多右伯子而左叔子。夫伯子似顏。而叔子似孟。今言學者必曰孔孟。而道南一脈實出自叔子。是亦未易以優劣論者。善學者惟取二先生之書讀之。各就其資稟之所近而體驗焉。皆可以有得矣。此徐君惓惓共學意也。客有告徐君者曰。是書世所厭觀。刻之無益。徐君不應於乎。若徐君者。其誠篤於道者也。明南京吏部右侍郎後學葉向高謹序。

朱子編輯遺書目錄題後

右程氏遺書二十五篇。二先生門人記其所見問答問之書也。始諸公各自爲書。先生沒而其傳寢廣。然散出並行。無所統一。傳者頗以己意私竊竄易。歷時既久。殆無全篇。熹家有先人舊藏數篇。皆著當時記錄主名。語意相承。首尾通貫。蓋未更後人之手。故其書最爲精善。後益以類訪求。得凡二十五篇。因稍以所聞歲月先後。第爲此書。篇目皆因其舊。而又別爲之錄。如此以見分別次序之所以然者。然嘗竊聞之。伊川先生無恙時。門人尹焞得朱光庭所鈔先生語。奉而質諸先生。先生曰。某在。何必讀此書。若不得某之心。所記者徒彼意耳。尹公自是不敢復讀。夫以二先生倡明道學。於孔孟既沒千載不傳之後。可謂盛矣。而當時從游之士。蓋亦莫非天下之英材。其於先生之嘉言善行。又皆耳聞目見而手記之。宜其親切不差。可以行遠。而先生之戒。猶且丁寧若是。豈不以學者未知心傳之要。而滯於言語之間。或者失之毫釐。則其謬將有不可勝言者乎。又況後此且數十年。區區掇拾於殘編墜簡之餘。傳誦道說。玉石不分。而謂真足以盡得其精微嚴密之旨。其亦誤矣。雖然。先生之學。其大要則可知已。讀是書者。誠能主敬以立其本。窮理以進其知。使本立而知益明。知精而本益固。則日用之間。且將有以得乎先生之心。而於疑信之傳。可坐判矣。此外諸將所鈔尙衆。率皆割裂補綴。非復本篇。異時得其所自來。當復出之以附今錄。無

二 程語錄

朱子編輯遺書目錄題後

則亦將去其重複。別爲外書。以待後之君子云爾。

朱子編輯外書目錄題後

右程氏外書十二篇。熹所序次。可繕寫。始熹序次程氏遺書二十五篇。皆諸門人當時記錄之全書。足以正俗本紛更之繆。而於二先生之語。則不能無所遺也。於是取諸集錄。參伍相除。得此十有二篇。以爲外書。夫先生之言。非有精麤之異。而兩書皆非一手所記。其淺深工拙。又未可以一概論。其曰外書云者。特以取之之難。或不能審其所自來。其視前書。學者尤當精擇而審取之耳。乾道癸巳六月乙亥。新安朱熹謹書。

朱子編輯附錄題後

右附錄一卷。明道先生行狀之屬。凡八篇。伊川先生祭文一篇。奏狀一篇。皆其本文無可議者。獨伊川行事本末。當時無所論著。熹嘗竊取實錄所書文集內外書所載。與凡他書之可證者。次其後。先以爲年譜。既不敢以意形容。又不能保無謬誤。故於每事之下。各繫其所從得者。今亦輒取以著於篇。合爲一卷。以附於二十五篇之後。嗚呼。學者察言以求其心。考迹以觀其用。而有以自得之。則斯道之傳也。其庶幾乎。乾道四年歲在著雍困敦夏四月壬子。新安朱熹謹記。

二程語錄目錄

卷之一.....一

遺書二先生語

端伯傳師說李籲·字端伯·洛人·伊川先生曰·語錄只有李籲得其意·不拘言語·無錯編者·故今以爲首篇·

卷之二.....一二

遺書二先生語

元豐己未呂與叔東見二先生語呂大臨·字與叔·藍田人·學於橫渠張先生之門·先生卒·乃入洛·己未元豐二年·然亦有己未後事·

卷之三.....三九

遺書二先生語

東見錄後別本云·亦與叔所記·故附於後·

卷之四.....四九

遺書二先生語

謝顯道記憶平日語謝良佐·字顯道·上蔡人·元豐中從學·謝嘗言昔在二先生之門·學者皆有語錄·惟良佐未嘗錄·然則此書蓋追記云·

卷之五……………五七

遺書二先生語

游定夫錄游酢·字定夫·建州人·元豐中從學·

卷之六……………六三

遺書二先生語

此一卷·朱子原分爲三卷·云本無篇名·不知何人所記·又云·閒有疑誤不可曉處·今略爲刪訂·合而一之·又下二卷·兼說論孟·已與經說伊傳另行別錄·故凡此類·概不載集中·

卷之七……………七九

遺書二先生語

洛陽議論熙寧十年·橫渠先生過洛·與二先生議論·此最在諸錄之前·以雜有橫渠議論·故附於此·

卷之八……………八五

遺書二先生語

師訓劉質夫錄劉絢·字質夫·緱氏人·

戊冬見伯淳先生洛中所聞劉質夫錄元豐五年壬戌·

亥八月見先生於洛所聞劉質夫錄元豐六年癸亥·

亥九月過汝所聞劉質夫錄時先生監汝州酒稅。

卷之九……………九九

遺書伊川先生語

入關語錄關中學者所記。按集。先生元豐庚申。元祐辛未。皆嘗至關中。但辛未年呂與叔已卒。此篇尙有與叔名字。疑庚申年也。

卷之十……………一二三

遺書伊川先生語

本無篇名。不知何人所記。或曰。永嘉周行己恭叔。或云。永嘉劉安節元承。或云。關中學者所記。皆不能明也。故存其篇而闕其目。按元祐三年劉質夫卒。此篇有質夫名字。則三年前語也。

卷之十一……………一三一

遺書伊川先生語

劉元承手編劉安節。字元承。永嘉人。所記有元祐五年遭喪後紹聖四年遷謫前事。延平陳淵幾叟。得之於元承之子。有題誌在後。

卷之十二……………一八九

遺書伊川先生語

楊遵道錄楊迪。字遵道。延平人。文靖公之長子也。所記有元符末歸自涪陵後事。

周伯忱本周孚先。字伯忱。毘陵人。建中靖國初從學。

卷之十三……………二〇五

遺書伊川先生語

師說門人張思叔錄張釋·字思叔·壽安人·

附師說後胡文定公家本·除複重·得此數章·以其辭意類師說·故以附其後·

卷之十四……………二二三

遺書伊川先生語

伊川雜錄唐彥思本唐棣·字彥思·昆陵人·

附雜錄後延平陳氏本·自爲一篇·無名氏·開與雜錄相出入·故以附之·

卷之十五……………二二九

遺書伊川先生語

鮑汝霖錄鮑若雨·字汝霖·一字商霖·永嘉人·

鄒德久本鄒柄道鄉公之子·昆陵人·未嘗親見先生·不知其所傳授·舊附東見錄後·

暢潛道錄暢大隱·字潛道·名見東見錄·此篇見晁氏客語中·不云何人之言·亦不云何人所記·獨開見於延平羅氏別錄·則注云暢本·然則潛道所記與胡氏本亦有之·而題其上云張杲暘叔所傳·識者疑其間

多非先生語·今考之信然·故附於此·

右程氏遺書。朱子所編輯者也。分注多依朱子所定。朱子原分爲二十五篇。今略加刪訂。或合數卷爲一卷。作十五卷。

卷之十六……………二四七

外書

朱公掞錄拾遺朱公庭。字公掞。從二先生學。元祐中爲給諫。此篇本與師訓入關等篇相雜。疑朱公自記所聞。又鈔諸人所記以附其後。今不可考。特拾其遺如此云。

陳氏本拾遺陳淵。字幾叟。延平人。楊文靖公門人。

程氏學拾遺李參錄。參。端伯之弟。學於伊川先生。此書十卷。其五卷乃劉質夫春秋解。其五卷。雜有端伯質夫入關諸錄。

羅氏本拾遺羅從彥。字仲素。延平人。楊文靖公門人。

胡氏本拾遺胡文定公家本。又有別本文其言而每章冠以子曰字者。今亦取其不見於諸篇者附於此。

游氏本拾遺游定夫。院家本。

春秋錄拾遺吳人王蘋信伯。學於伊川先生。集錄諸言春秋者爲此篇。

大全集拾遺建陽印本。

時氏本拾遺時紫芝所集。號程子微言。凡二十五卷。多改易本語者。

卷之十七……………二六七

外書

傳聞雜記

王氏塵史·呂氏家塾記·發明義理·酬酢萬變·范公日記·朱公手帖·邵氏見聞錄·上蔡語錄·龜山語錄·庭聞稿錄·侯子雅言·涪陵記善·和靖語錄·震澤語錄·晁景迂集·晁氏客語·呂氏童蒙訓·雜志·汪端明記·孔文仲疏·

右程氏外書朱子所編輯也。分注亦多依朱子所定。朱子原分爲十二篇。今略加刪訂。合爲二卷。

卷之十八……………二九三

附錄

明道先生門人朋友敘述

劉立之·朱光庭·范祖禹·

書行狀後

游酢·

哀祠

呂大臨·

伊川先生年譜

朱子輯·

祭文

張繹·

奏狀

胡安國·

右附錄一卷。朱子所編輯。以附於遺書之後者也。中有明道先生行狀一篇。墓表一篇。門人朋友敘述序一篇。皆伊川先生所作。今已刻入二程文集中。故將此數篇附刻於此。使學者得觀其詳。